

Bainistíocht Tionscadail TFC Príomhoifigeach Cúnta

Tá lúcháir orainn ár gComórtas um Bhainisteoir Tionscadail TFC 2026 a sheoladh

 Dáta Deiridh: Céadaoin, 24 Meitheamh 2026  Am dúnta: 1:00in

Leabhrán Faisnéise d'Iarrthóirí

Léigh go cúramach le do thoil

Tá Oifig an Stiúrthóra Ionchúiseamh Poiblí tiomanta do bheartas comhdheiseanna agus spreagann sí iarratais ó iarrthóirí a bhfuil cúlraí agus taithí éagsúil acu. Tá faisnéis bhreise ar éagsúlachtaí sonracha sa chuid “Conas Iarratas a Dhéanamh”.

<https://www.dppireland.ie/ga/working-with-us>

Reáchtálfaidh Oifig an Stiúrthóra Ionchúiseamh Poiblí an comórtas seo de réir an Chóid Chleachtais um Cheapacháin chun Post sa Státseirbhís agus an tSeirbhís Phoiblí ullmhaithe ag an gCoimisiún um Cheapachá in Seirbhíse Poiblí (CPSA).

Foilsíonn an CPSA cóid chleachtais agus tá siad ar fáil ar www.cpsa.ie

TEAGMHÁIL maidir le gach ábhar a bhaineann leis an bhfeachtas seo:

Recruitment@dppireland.ie

CLÁR ÁBHAIR

CLÁR ÁBHAIR.....	2
AN OIFIG	3
AN TAONAD TEICNEOLAÍOCHTA FAISNÉISE AGUS CUMARSÁIDE.....	4
AN RÓL.....	4
CEANGLAS: SAINEOLAS & INNIÚLACHTAÍ	6
PRÍOMHCHOINNÍOLLACHA SEIRBHÍSE – BAINISTEOIR TIONSCADAIL TFC.....	9
AN PRÓISEAS IARRATAIS AGUS ROGHNÚCHÁIN	14
CEARTA IARRTHÓIRÍ - NÓSANNA IMEACHTA ATHBHREITHNITHE MAIDIR LEIS AN BPRÓISEAS ROGHNÚCHÁIN	17
OIBLEAGÁIDÍ NA NIARRTHÓIRÍ	18
NA HACHTANNA UM CHOSAINT SONRAÍ.....	19
AGUISÍN 1: CÁILITHEACTH CHUN DUL IN IOMAÍOCHT AGUS SRIANTA ÁIRITHE AR CHÁILITHEACTH	20
AGUISÍN 2: INNIÚLACHTAÍ	22

Bainisteoir Tionscadail TFC in Oifig an Stiúrthóra Ionchúiseamh Poiblí

Tá Oifig an Stiúrthóra Ionchúiseamh Poiblí (ODPP) ag cur tús le mórthionscnamh **claochlaithe digiteach** chun a gcórais TFC a nuachóiriú agus chun tacú níos fearr le seachadadh na seirbhísí ionchúiseamh i ndomhain ceartais atá at éirí níos casta agus bunaithe ar shonraí. I gcoirílár na claochlaithe sin tá **uasdátú an Chórais Bainistíochta Cásanna Oidhreachta** — an t-ardán criticiúil atá freagrach as na hoibríochtaí cinnteoireachta dlí, as rianú na gcásanna, as na hoibríochtaí faisnéise agus as an tuairisciú staitistiúil.

Bunchloch é an tionscadal sin i leith **Clár Nuachóirithe TFC an ODPP** agus tá sé ar aon ghuth le straitéisí digiteacha náisiúnta agus le cuspóirí athchóirithe na hearnála poiblí. Chun an tionscnamh tábhachtach straitéiseach seo a stiúradh, tá **Bainisteoir Tionscadail TFC (Príomhoifigeach Cúnta)** á lorg ag an Oifig. Imreoidh an té a cheapfar ról ar leith chun réitigh shlána inscálaithe a sheasfaidh an aimsir a sheachadadh chun riachtanais oibríochtúil na hOifige a chomhlíonadh agus chun tacú leis an gcomhoibriú fud na hearnála ceartas coiriúil.

An Oifig

Bunaíodh an ODPP leis an Acht um Ionchúiseamh i gCionta, 1974. Is é ár misean Seirbhís Ionchúisimh a chur ar fáil atá neamhspleách, cothrom agus éifeachtach. Tá an Stiúrthóir neamhspleách i gcomhlíonadh a feidhmeanna.

Forfheidhmíonn an Stiúrthóir an dlí coiriúil sna cúirteanna ar son Mhuintir na hÉireann; stiúran agus déanann sé/sí maoirseacht ar ionchúisimh phoiblí ar díotáil sna cúirteanna; agus tugann sé/sí treoir ghinearálta agus comhairle don Gharda Síochána maidir le cásanna achoimre mar aon le treoir shainiúil ina leithéid de chásanna nuair a iarrtar sin.

Tá ceithre rannán ag an ODPP:

1. Tá **Rannán na Seirbhísí Corparáideacha** freagrach as seirbhísí agus tacaíochtaí a sholáthar don Oifig sna réimsí seo a leanas: acmhainní daonna, forbairt eagraíochtúil, straitéis, TFC, Airgeadas, cumarsáid, rialachas agus cóiríocht.
2. Tá **Rannóg na Sainaonad Stiúrtha** freagrach as na comhaid imscrúdaithe a scrúdú le cinneadh a dhéanamh chun ionchúiseamh a dhéanamh. Tá dhá Shainaonad laistigh den Rannóg sin, an tAonad um Chionta Gnéasacha agus Tromcúiseacha agus an tAonad um Choireacht Airgeadais Speisialta, a bhfuil feidhm stiúrtha acu agus a dhéanann cásanna a ionchúiseamh sa chúirt.
3. Ullmhaíonn agus seolann **Rannán na nAturnaetha** cásanna thar ceann an Stiúrthóra sa Chúirt Dúiche i mBaile Átha Cliath, sna Cúirteanna Coiriúla Cuarda ar fud na tíre, sa Chúirt Achomhairc, san Ard-Chúirt agus sna Cúirteanna Uachtarach. Tacaíonn agus maoirsíonn an Rannán sin Seirbhís na nAturnaetha Stáit ar bhonn náisiúnta freisin.
4. Tá **Rannán na Seirbhísí Tacaíochta Ionchúisimh** freagrach as tacú leis an obair ionchúisimh choiriúil i réimse an dlí idirnáisiúnta, cuireann sé cúiseanna ar fáil d'íospartaigh agus déanann sé athbhreithnithe ar chinntí gan ionchúiseamh, ar na caighdeáin ionchúisimh, agus ar bheartas agus taighde.

Tá ball den Fhoireann Bainistíochta Sinsearach (FBS) i mbun maoirseachta ar gach Rannán den ODPP. Déanann baill an Bhoird Bainistíochta na hAonaid agus na Rannóga i ngach Rannán a bhainistiú agus tá daoine

le scileanna agus cúlraí éagsúla mar fhoireann acu. Is féidir cur síos mionsonraithe ar obair gach ceann de rannáin na hOifige a fháil - <https://www.dppireland.ie/about-us/our-organisation>.

Bíonn an Stiúrthóir Ionchúiseamh Poiblí ag brath freisin ar aturnaetha stáit i 30 áit agus ar phainéil abhcóidí chun ionadaíocht a dhéanamh di i gcásanna a ionchúisítear ar díotáil sna cúirteanna níos airde. Déantar gach ábhar achomair a ionchúisíonn na Gardaí sa Chúirt Dúiche a ionchúiseamh in ainm an Stiúrthóra. Mar sin is comhpháirtithe tábhachtacha iad an tseirbhís aturnae Stáit, na hAbhcóidí agus an Garda Síochána i soláthar seirbhíse ionchúisimh.

Is fostóir ionchuimsitheach forásach é ODPP a bhfuil meas aige ar sholúbthacht, folláine agus fás gairmiúil. Tacaímid lenár ndaoine trí raon roghanna oibre solúbtha a thacaíonn le teaghlaigh, lena n-áirítear postroinnt, bliain oibre níos giorra, agus cianobair chumaisc. Mar eagraíocht foghlama, táimid tiomanta d'fhorbairt ghairmiúil leanúnach trí chúrsaí oiliúna inmheánacha, tacaíochtaí oideachais tríú leibhéal, agus rannpháirtíocht i dtionscnaimh tras-rannacha agus seachtracha ceartais choiriúil.

Is féidir tuilleadh sonraí a fháil ag [Ag Obair Linn](#) agus [Ár Misean agus ár Luachanna](#).

An tAonad Teicneolaíochta Faisnéise agus Cumarsáide

Tá ról criticiúil á dhéanamh ag an Aonad TFC chun a chur ar chumas Oifig an Stiúrthóra Ionchúiseamh Poiblí seirbhís ionchúiseamh cothrom neamhspleách éifeachtach a dhéanamh i **ndomhain cheartais atá ag éirí níos digití lá i ndiaidh lae**. De réir mar a mhéadaíonn castachtaí agus líon na fianaise digití, luíonn an fhreagracht ar an Aonad chun fearas teicneolaíochta na hOifige a chothabháil agus a nuachóiriú chun oibríochtaí slána éifeachtacha shofhreagracha a thacú. Folaítear leis sin an príomhbhonneagar a bhainistiú, an cibearshlándaíl, láimhseáil na fianaise digití, agus Córas Bainistíochta Cásanna Oidhreachta na hOifige a stiúradh - córas atá lárnach roimh an bpríoiseáil chásanna, roimh an nochtadh agus roimh an gcinnteoireacht bunaithe ar shonraí.

Tá an tAonad i gceannas ar an gClár Nuachóirithe TFC - tionscnamh uile-bhliain atá ar aon ghuth le straitéisí digiteacha náisiúnta - atá freagrach as cumas digiteach na hOifige a athrú ó bhonn, an idir-inoibritheacht le comhpháirtithe na hearnála ceartais a fheabhsú agus as comhlíonadh na gcaighdeán cibearshlándaíla agus rialachais a chinntiú. Tacaíonn an tAonad TFC leis an gcianobair, leis an bpleanáil athshlánúcháin thubaisteach agus le glacadh leis na dteicneolaíochtaí éiritheach, mar aon le súil a choinneáil ar an nuálaíocht agus le cosaint na sonraí íogaire agus na gceart aonarach.

An Ról

Beidh ról mór **ag an mBainisteoir Tionscadail TFC (Príomhoifigeach Cúnta)** laistigh den Aonad TFC, beidh siad freagrach as seachadadh gairmiúil na mórthionscadal teicneolaíochta a thacaíonn le hOifig an Stiúrthóra Ionchúiseamh Poiblí chun a feidhmeanna a dhéanamh mar is ceart. Bunaidhm an róil ná seachadadh uasdátú an Chórais Bhainistíochta Cásanna Oidhreachta - ó thús-deireadh - tionscadal criticiúil straitéiseach de chuid na hOifige ina bhfuil neart gníomhaíochtaí bainistíochta athruithe ann.

I ndiaidh na seachadta tosaigh, beidh feidhmeanna níos láidre ag an -ról, lena n-áirítear clár de thionscnaimh TFC a threorú, mar aon le feabhsúcháin chórais, comhcheangail tras-gníomhaireachtaí, tionscnaimh fianaise digiteacha, feabhsúcháin sonraí agus tuairiscithe agus tionscadail na dteicneolaíochtaí nua. Pointe fócasach a bheas an te a cheapfar le haghaidh rialachas na dtionscadal struchtúrtha, dea-phleanáil na dtionscnamh, bainistíocht-na rioscaí agus sin uile a dhéanamh de réir na straitéisí digit náisiúnta agus a sheachadadh chun tacú le hathruithe inbhuanaithe na heagraíochta.

Cé go mbeidh an ról dírithe ar thionscadail TFC amháin ag an tús, is féidir leis an mBainisteoir Tionscadail, i ndiaidh tamaill agus i gcomhréir le tosaíochtaí na heagraíochta, bheith sannta do thionscadail straitéiseacha eile fud na hOifige nach tionscadail TFC iad, agus déanfar sin i gcás inniúlacht bainisteora bheith ag teastáil ag réimse eile na hOifige.

Ag seo a leanas na príomhfhreagrachtaí tosaigh:

- Seachadadh lá go lá an tionscadail maidir leis an gCóras Bainistíochta Cásanna a threorú, laistigh de struchtúr rialachais réamhbheartaithe.
- Na páirtithe leasmhara inmheánacha dlí, na páirtithe leasmhara oibríochta agus na páirtithe leasmhara teicniúla uile a chomhordú le cinntiú go mbainfear na próisis gnó amach sa chóras nua.
- Rannpháirtíocht na ndíoltóirí, na gníomhaíochta soláthair agus maoirseacht na gconarthaí a bhainistiú, de réir treoracha soláthair na hearnála poiblí.
- Foirmíocht an chórais, tástálacha, ascnamh sonraí, cúrsaí oiliúna a mhaoirsiú, mar aon le gníomhaíocht bainistíochta athruithe an díoltóra roghnaithe a stiúradh.
- Comhlíonadh na gcaighdeán cibearshlándaíl, na gcaighdeán cosaint sonraí agus na gcaighdeán inrochtaineachta a chinntiú laistigh de fhoireann TFC na hOifige.
- Teagmháil leanúnach a dhéanamh leis an bPríomhfheidhmeannach agus leis an bhFoireann Bainistíochta Sinsearach.

Ag seo a leanas na príomhfhreagrachtaí leanúnacha:

Toisc clár claochlaithe digiteach na hOifige, fás lasrach teicneolaíochtaí na hearnála ceartais agus toisc castachtaí leanúnacha an rialachais TFC, beidh gá ann bainistíocht tionscadail ghairmiúil struchtúrtha bheith ann i ndiaidh seachadadh an Chórais Bhainistíochta Cásanna.

Cuirfidh an Bainisteoir Tionscadail TFC le, agus is minic a bheas siad i gceannas ar, punann éagsúil tionscadail fud na réimse TFC, lena n-áirítear tionscnaimh nuachóirithe, comhcheangail trasghníomhaireachtaí, seachadadh straitéisí sonraí agus feabhsúcháin oibríochta, mar atá seo a leanas:

1. Fás agus Feabhas Leanúnach an Chórais Bhainistíochta Cásanna

- Optamú leanúnach, bainistíocht scaoilte agus feabhas incriminteach.
- Módúil nua a leathnú amach i leith an noichta, na fianaise digití agus na tuairiscithe.
- Rialachas na ndreochlár díoltóirí, mar aon le huasghráduithe, feabhsúcháin agus feidhmíocht na seirbhísí.
- Próisis gnó a bheachtú de réir mar a leathnófar reachtaíocht agus cleachtais ionchúisimh.

2. Comhtháthú le Comhpháirtithe fud na hEarnála Ceartais Coiriúil

Tá córas ceartais na hÉireann ag bogadh i dtreo idir-inoibritheachta digití bunaithe ar shonraí, rud atá á stiúradh ag gealltanais trasrialtais i dtaobh an Creatlach um Éire Digiteach de, Straitéis Dhigiteach na hEarnála Ceartais agus méadú na sruthanna fianaise digití. Mar shampla, léiríonn feidhmiú céimneach an Chórais Bhainistíochta Fianaise Digití (DEMS) de chuid An Gharda Síochána cad é mar is féidir claoclú mór na fianaise digití (CCTV, ceamaraí-choirp, sonraí gutháin, srl.) a bhainistiú. Tá ODPP ag dúil le próisis a dhearadh le haghaidh fianaise a ionghabháil, a stóráil, a athbhreithniú agus a nochtadh agus le comhoibriú a dhéanamh leis An nGarda Síochána, leis an Seirbhís Chúirteanna agus le sruthanna oibríochta.

3. Tionscnaimh Nuachóirithe Leanúnach TFC

Leanfaidh bonneagar TFC ag fás, de réir straitéisí glactha néalta, athruithe saolré crua-earraí, cuíchóirithe bogearraí, cumarsáidí aontaithe agus feabhsúcháin cian-oibreacha, uasghráduithe bonneagair, nuachóiriú cúlta agus cartlainne, mar aon le feabhsúcháin teicniúla eile. Beidh disciplín bainistíochta tionscadail de dhíth ar an chuid is mó de rudaí thuas luaite, chun pleanáil, cur i bhfeidhm agus rannpháirtíocht éifeachtach na bpáirtithe leasmhara.

4. Cultúr de Bhainistíocht Tionscadail a Leabú i ODPP

Freagrachtaí fadtéarmacha iad bunú na dtionscadal caighdeánaithe agus na bpróisis dúnta, bunú na struchtúr rialachais agus tuairiscithe, bunú na dteimpléad agus na dtacar d'úinéirí gnó, feabhas rialaithe athruithe agus cáipéisíochta, cur chun cinn gníomhaíochtaí oiliúna agus feasachta fud na hOifige chun í a stiúradh i dreo múnla seachadta tionscadail níos aibí, níos intuartha agus ar aon ghuth.

Tabhair faoi deara nach uileghabhálach an liosta thuas luaite; féadfar freagrachtaí cuí breise a chur leis an ngrád.

Ceanglas: Saineolas & Inniúlachtaí

Ceanglais Riachtanacha:

Ní **mór** d'iarrthóirí incháilithe, faoin Aoine an 26 Meitheamh 2026, ceann amháin ar a laghad de na conairí seo a leanas a chomhlíonadh:

A.

Cáilíocht Leibhéal 7 ar mhórghradam an Chreata Náisiúnta Cáilíochta (NFQ) (i.e. gnáthchéim), nó níos airde, i ndisciplín ríomhaireachta nó i ndisciplín ríomhaireachtúil ábhartha, agus 5 bliana ar a laghad de thaithí seachadta tionscadail TFC ábhartha ó d'fhostaíocht go dtí seo.

NÓ

B.

Cáilíocht Leibhéal 8 ar mhórghradam an Chreata Náisiúnta Cáilíochta (NFQ) (i.e. céim onóracha), nó níos airde, i ndisciplín ríomhaireachta nó i ndisciplín ríomhaireachtúil ábhartha, agus 3 bliana ar a laghad de thaithí seachadta tionscadail TFC ábhartha ó d'fhostaíocht go dtí seo.

NÓ

C.

Cáilíocht Leibhéal 8 ar mhórghradam an Chreata Náisiúnta Cáilíochta (NFQ) (i.e. céim onóracha), nó níos airde, le modúil ríomhaireachta substaintiúla nó le modúil ríomhaireachta i mbliain na céime, agus 5 bliana ar a laghad de thaithí seachadta tionscadail TFC ábhartha ó d'fhostaíocht go dtí seo*.

NÓ

D.

Ocht mbliana de thaithí phraiticiúil ábhartha TFC ó d'fhostaíocht go dtí seo, chomh maith le ceachtar de,

- cáilíocht leibhéal 6 ar an mhórghradam NFQ, nó níos airde, i réimse ábhartha TFC, seachadadh digiteach, forbairtí córais nó i seachadadh tionscadail TFC

nó

- dhá cháilíocht ábhartha TFC aitheanta sa tionscal a bhaineann le tionscadal TFC, cláir TFC nó le seachadadh athruithe (féach samplaí thíos faoi).

Míniúchán ar Thaithí Dhíreach Ábhartha

Chun críocha an chomórtais seo, ní mór do gach taithí dhíreach ábhartha freagrachtaí substaintiúla le haghaidh tionscnaimh TFC a chlúdach, agus de ghnáth foláitear leis sin an mhéid seo a leanas:

- Seachadadh tionscadail nó sreafaí oibre TFC ó thús deireadh, ó thús go dtí cur i bhfeidhm agus druidim an tionscadail
- Bainistiú na bpáirtithe leasmhara gnó agus oibríochtúil i dtimpeallachtaí casta eagraíochta
- Maoirsiú na ndíoltóirí agus na soláthraithe tríú páirtí, lena n-áirítear tacaíocht soláthair, bainistiú conarthaí agus cinntiú seachadta.
- Seachadadh córais fiontair, línte iarratais gnó nó ardáin dhigiteacha laistigh de thimpeallachtaí rialaithe
- Taithí ar rialachas TFC, bainistiú riosca, rialú athruithe agus ar struchtúir tuairiscithe
- Comhordú na ngníomhaíochtaí amhail míniúcháin riachtanais, foirmíochtaí córais, tástálacha, ascnaimh shonraí, cúrsaí oiliúna agus bainistíocht athruithe eagraíochta
- Seachadadh réitigh TFC i dtimpeallachtaí le riachtanais cosaintí arda sonraí, slándála, inrochtaineachta nó comhlíonta

Samplaí de Cháilíochta Gairmiúla Ábhartha (neamh-uileghabhálach)

- I gcás Rogha D, clúdaítear le cáilíochtaí tionscail ábhartha, ach níl siad teoranta dóibh seo a leanas:
- PRINCE2 (Bunleibhéal agus/nó Cleachtóir)
- Gairmí Bainistíochta Tionscadail (PMP)
- Comhlach cáilithe le bainistíocht tionscadail (CAPM)
- ITIL (Leibhéal ar bith)
- AgilePM, SAFe, Scrum Master nó cáilíochtaí seachadta ábhartha lena mbaineann

Ceanglais Inmhianaithe:

- Tuiscint mhaith ar ardáin bhonneagair TFC, teicneolaíochta TFC, rialuithe slándála agus ar straitéisí ascnaimh sonraí.

Bainisteoir Tionscadail TFC – Príomhoifigeach Cúnta in Oifig an Stiúrthóra Ionchúiseamh Poiblí

- Scileanna cumarsáide, ceannaireachta agus eagraíochta iontach maith.
- Tiomanta i dtreo réitigh shlána inbhuanaithe bunaithearúsáideoirí a sheachadadh.

Ba cheart d’iarrthóirí a thabhairt faoi deara nach gciallaíonn iontráil ar an gcomórtas go gcomhlíonann siad na critéir incháilitheachta. Mar sin, ba cheart d’iarrthóirí iad féin a shásamh go gcomhlíonann siad na critéir incháilitheachta don chomórtas seo.

Príomhchoinníollacha Seirbhíse – Bainisteoir Tionscadail TFC

Ginearálta

Tá an ceapachán faoi réir Achtanna Rialacháin na Státseirbhíse 1956 go 2005, an tAcht um Bainistíocht na Seirbhíse Poiblí (Earcaíocht agus Ceapacháin) 2004 agus aon Acht eile a bheidh i bhfeidhm de chumhacht na huaire maidir leis an Státseirbhís.

Pá

Seo a leanas tuarastal an phoist:

Scála Pá PPC (Ranníocaíocht Phinsin Phearsanta)¹le héifeacht ón 1 Meitheamh 2026:

€83,113 – €86,173 – €89,277 – €92,390 – €95,499 – €97,292 – €100,427 LSI1 – €103,576 LSI2

D'fhéadfadh incrimintí fadseirbhíse a bheith iníoctha tar éis 3 bliana (LSI1) agus 6 bliana (LSI2) de sheirbhís shásúil ar ghrád uasta an scála.

Ba chóir d'iarrthóirí a thabhairt faoi deara go bhféadfadh téarmaí agus coinníollacha éagsúla a bheith i gceist, más státseirbhíseach nó státseirbhíseach ar seirbhís é an ceapaí, díreach roimh an gceapachán.

Faoi réir feidhmíocht shásúil d'fhéadfadh go mbeadh incrimintí iníoctha de réir Bheartas reatha an Rialtais.

Comhaontóidh tú go n-aisíocfaidh tú aon ró-íocaíocht tuarastail, liúntais nó caiteachais de réir Chiorclán 07/2018: Aisghabháil Ró-íocaíochtaí Tuarastail, Liúntas, agus Caiteachais a dhéantar do Bhaill Foirne/Iarbhaill Foirne/Pinsinéirí.

Tréimhse Oifige agus Promhadh

Is é an ceapachán ón gcomórtas seo post buan ar chonradh promhaidh sa Státseirbhís. Mairfidh an conradh promhaidh don phost buan seo ar feadh tréimhse bliana ón dáta a shonraítear sa chonradh.

Le linn thréimhse do chonartha promhaidh, beidh do fheidhmíocht faoi réir athbhreithniú ag do stiúrthóir(i) chun a chinntiú an bhfuil:

- i) Tú feidhmithe ar bhealach sásúil;
- ii) Tú sásúil san iompar ginearálta; agus
- iii) Tú oiriúnach ó thaobh na sláinte de agus aird ar leith ar shaoire bhreitheachta.

¹ Tá feidhm ag an ráta RPP nuair a cheanglaítear an duine Ranníocaíocht Phearsanta Pinsin a íoc (ar a dtugtar ranníocaíocht príomhscéime ar shlí eile) de réir rialacha a phríomhscéime/scéime aoisliúntais phearsanta. Ní hionann é seo agus ranníocaíocht maidir le ballraíocht i scéim Céilí agus Leanaí nó Ranníocaíochtaí Aoisliúntais Breise (ASC). Beidh ráta difriúil i bhfeidhm nuair is státseirbhíseach nó seirbhíseach poiblí an ceapaí a earcaíodh roimh 6 Aibreán 1995 agus **nach gceanglaítear** orthu Ranníocaíocht Phearsanta Pinsin a dhéanamh.

Sula gcríochnófar an Conradh Promhaidh déanfar cinneadh an gcoimeádfar nó nach gcoinneofar thú de bhun Alt 5A (2) d'Achtanna Rialaithe na Státseirbhíse 1956 – 2005. Beidh an cinneadh seo bunaithe ar d'fheidhmíocht arna measúnú i gcoinne na gcritéar atá leagtha amach in (i) go (iii) thuas. Míneoidh ODPP sonraí an phróisis phromhaidh duit agus tabharfar cóip duit de Threoirlínte na Roinne Caiteachais Phoiblí, Seachadadh agus Athchóirithe an GTI.

D'ainneoin na míreanna roimhe seo san alt seo, féadfar an Conradh Promhaidh a fhoirceannadh tráth ar bith roimh dhul in éag do théarma an chonartha ag ceachtar taobh de réir na nAchtanna um Fhógra Íosta agus Téarmaí Fostaíochta, 1973 go 2005.

Sna cúinsí seo a leanas féadfar do chonradh a fhadú agus do thréimhse phromhaidh a chur ar fionraí.

- Tá an tréimhse phromhaidh ar fionraí nuair a bhíonn fostaí as láthair mar gheall ar Shaoire Mháithreachais nó Uchtála.
- Maidir le fostaí as láthair ar Shaoire Thuismitheoirí nó ar Shaoire Cúramóra, féadfaidh an fostaí a éileamh go gcuirfí promhadh ar fionraí mura meastar an neamhláithreachta a bheith comhsheasmhach le leanúint den phromhadh.
- Aon fhoráil reachtúil eile a fhorálann go ndéanfaidh promhadh -
 - (i) seasamh ar fionraí le linn d'fhostaí a bheith as láthair ón obair, agus
 - (ii) le comhlánú ag an bhfostaí ar fhilleadh na bhfostaithe ón obair tar éis na hasláithreachta sin.

Sa chás go gcuirtear promhadh ar fionraí ba chóir don fhostóir na cúinsí a bhaineann leis an bhfionraí a chur in iúl don fhostaí.

Má theipeann ar cheapaí, a bhí ina státseirbhíseach ag fónamh díreach sular ceapadh ón gcomórtas seo é, na coinníollacha promhaidh a chomhlíonadh, is iondúil go n-eascróidh ceist na frithdhílse. I gcás frithdhílse, fillfidh oifigeach ar fholúntas san iarghrád a bhí acu ina iar-Roinn.

Na hAchtanna um Dhífhostú Éagórach 1977-2015

Ní bheidh feidhm ag na hAchtanna um Dhífhostú Éagórach 1977-2015 maidir le foirceannadh na fostaíochta mar gheall ar dhul in éag an chonartha téarma shocraithe amháin gan é a athnuachan.

Dualgais

Ceanglófar ar an oifigeach aon dualgais a oireann don phost a d'fhéadfaí a shannadh ó am go ham a chomhlíonadh. Ní fhéadfaidh an t-oifigeach gabháil do chleachtadh príobháideach ná baint a bheith aige/aici le haon ghnó seachtrach a chuirfeadh isteach ar chomhlíonadh dualgas oifigiúil nó a bheadh contrártha ar bhealach ar bith leis an bpost ina bhfuil an t-iarrthóir ceaptha.

Suíomh

Tá an Oifig lonnaithe i mBaile Átha Cliath. Mar gheall ar chineál obair na bhfostaithe ODPP ceanglófar orthu freastal ar ghnó oifigiúil in áiteanna lasmuigh de Bhaile Átha Cliath. Nuair a bheidh tú as láthair ón mbaile agus ón gceanncheathrú ar dhualgas oifigiúil, íocfar costais taistil chúí agus liúntais chothaithe de réir Rialacháin na Státseirbhíse.

Uaireanta freastail

Socrófar uaireanta freastail ó am go chéile ach ní bheidh siad níos lú ná 41 uair an chloig agus 15 nóiméad comhlán in aghaidh na seachtaine nó 35 uair glan in aghaidh na seachtaine. Beidh ar an iarrthóir a n-éireoidh leis/léi cibé uaireanta breise a oibriú ó am go ham a bheidh réasúnach agus riachtanach chun a c(h)uid dualgas a chomhlíonadh i gceart faoi réir na dteorainneacha atá leagtha síos sna rialacháin um am oibre. Leis an ráta luacha saothair atá iníoctha clúdaítear aon dliteanas um fhreastal breise a d'fhéadfadh teacht chun cinn ó am go ham.

Saoire Bhliantúil

Is ionann é an liúntas saoire bliantúla agus 30 lá oibre. Tá an liúntas seo, atá faoi réir na ngnáthchoinníollacha maidir le saoire bhliantúil a dheonú, ar bhonn seachtaine cúig lá agus níl na gnáthlaethanta saoire poiblí ann.

Saoire Bhreiteachta

Beidh pá le linn asláithreacht bhreiteachta deimhnithe i gceart, ar choinníoll nach bhfuil aon fhianaise ar mhíchumas buan le haghaidh seirbhíse, i bhfeidhm ar bhonn pro rata, de réir na Rialachán um Bainistíocht na Seirbhíse Poiblí (Saoire Breiteachta) (IR 124 de 2014), na Rialachán um Bainistíocht na Seirbhíse Poiblí (Saoire Breiteachta) (Leasú) 2015 (IR 384 de 2015), na Rialachán um Bainistíocht na Seirbhíse Poiblí (Saoire Bhreiteachta) (Leasú) 2023 (IR 407 de 2023), agus aon ciorclán ábhartha.

Beidh ar oifigigh a bheidh ag íoc ráta ÁSPC Aicme A sainordú a shíniú ag údarú don Roinn Coimirce Sóisialaí aon sochair atá dlite faoi na hAchtanna Leasa Shóisialaigh a íoc go díreach chuig Oifig an Stiúrthóra Ionchúiseamh Poiblí. Beidh íocaíocht le linn breiteachta faoi réir ag an oifigeach ag déanamh na n-éileamh riachtanach ar shochar árachais shóisialta chuig an Roinn Coimirce Sóisialaí laistigh de na teorainneacha ama riachtanacha.

Aoisliúntas agus Dul ar Scor

Tairgfear na téarmaí agus coinníollacha aoisliúntais cuí don iarrthóir rathúil mar a bhí i réim sa Státseirbhís tráth a dtairgfear ceapachán dó/di. Go hiondúil, déanfar ceapachán a thairiscint do cheapaí nár oibrigh riamh sa tSeirbhís Phoiblí bunaithe ar bhallraíocht de Scéim Pinsin na Seirbhíse Poiblí Aonair (“Scéim Aonair”). Tá sonraí iomlána na Scéime ag www.singlepensionscheme.gov.ie/ga/

Sa chás gur oibrigh an ceapaí i bpost inphinsin (neamh-Scéim Aonair) sa tseirbhís phoiblí sna 26 seachtainí roimh an gceapachán nó atá ar shos gairme nó ar shaoire speisialta faoi láthair le/gan phá d'fhéadfadh téarmaí éagsúla a bheith i gceist. Bunófar teidlíocht pinsin na ndaoine a cheapfar i gcomhthéacs a staire fostaíochta sa tseirbhís phoiblí.

Is iad seo a leanas na príomhfhórlacha a bhaineann le ballraíocht na Scéime Aonair:

- i) Aois scoir: Is é 66 bliain d’aois an aois íosta faoi láthair ina bhfuil pinsean iníoctha mar atá an aois incháilitheachta don Phinsean Stáit.
- ii) Aois Scoir: Ní mór do chomhaltaí scéime éirí as nuair a shroicheadh siad 70 bliain d’aois.
- iii) Úsáidtear meántuilleamh gairme chun sochair a ríomh (fabhraíonn méid pinsin agus cnapshuime gach bliain agus déantar iad a uasghrádú gach bliain faoi threoir CPI).
- iv) Tá méaduithe pinsin iar-scoir nasctha le CPI

Laghdú Pinsin

Má bhí an ceapaí fostaithe cheana sa Státseirbhís nó sa tSeirbhís Phoiblí agus go bhfuil pinsean á fháil aige nó aici ón Státseirbhís nó ón tSeirbhís Phoiblí nó sa chás go bhfuil pinsean de chuid na Státseirbhíse/na Seirbhíse Poiblí á íoc beidh an pinsean sin **faoi réir lacáiste** de réir Alt 52 den Acht um Pinsin na Seirbhíse Poiblí (Scéim Aonair agus Forálacha Eile), 2012. **Tabhair faoi deara: Agus tú ag cur isteach ar an bpost seo tá tú ag admháil go dtuigeann tú go mbeidh feidhm ag na forálacha lacáiste, nuair is cuí. Ní shamhlaítear go dtacóidh an Roinn/Oifig fostaithe le hiarratas ar tharscaoileadh laghdaithe i leith ceapachán sa phost seo.**

- Mar sin féin, má bhí an ceapaí fostaithe roimhe seo sa Státseirbhís nó sa tSeirbhís Phoiblí agus dá mbronnadh pinsean air/uirthi faoi shocruithe luathscoir deonacha (seachas an Scéim Dreasachta Luathscoir (ISER), Ciorclán na Roinne Sláinte 7/2010 VER/VRS nó Ciorclán na Roinne Comhshaoil, Pobail & Rialtais Áitiúil LG(P) 06/2013, a fhágann go bhfuil duine neamh-incháilithe don chomórtas) scoirfidh an teidlíocht chun an phinsin sin le héifeacht ó dháta an athcheaptha. Féadfar socruithe speisialta a dhéanamh, áfach, chun seirbhís roimhe sin a thug an ceapaí a ríomh chun críche aon dámhachtana aoisliúntais amach anseo a bhféadfaidh an ceapaí a bheith incháilithe ina leith.
- **Ciorclán 102/2007 Scéime Luathscoir na Roinne Oideachais agus Scileanna do Mhúinteoirí**
Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll den Scéim Luathscoir é, seachas na cásanna atá leagtha amach i míreanna 10.2 agus 10.3 den doiciméadú ciorclach ábhartha, agus leis na heisceachtaí sin amháin, má ghlacann múinteoir le luathscor faoi Shnáitheanna 1, 2 nó 3 den scéim seo agus go bhfuil sé/sí fostaithe ina dhiaidh sin in aon cháil in aon limistéar den earnáil phoiblí, scoirfidh láithreach d'íocaíocht pinsin leis an duine sin faoin scéim. Déanfar íocaíochtaí pinsin a atosú, áfach, ar scor den fhostaíocht sin nó ar 60ú breithlá an duine, cibé acu is déanaí, ach ar atosú, beidh an pinsean bunaithe ar sheirbhís ináirithe iarbhír an duine mar mhúinteoir (s.é. ní chuirfear na blianta breise a deonaíodh roimhe sin san áireamh agus íocaíocht an phinsin á ríomh).
- **Scor-Drochshláinte**
Tabhair faoi deara, le do thoil, go gceanglaítear ar aon duine a chuaigh ar scor roimhe seo ar chúiseanna drochshláinte faoi théarmaí scéime aoisliúntais a dhearbhu, ag an gcéad chéim iarratais, go bhfuil pinsean den sórt sin á fháil acu don eagraíocht a riarann an comórtas earcaíochta.

Beidh ar iarratasóirí freastal ar oifig an CMO chun a gcumas seirbhís rialta agus éifeachtach a sholáthar a mheas agus an riocht ina bhfuil siad cáilithe le haghaidh IHR á gcur san áireamh.

Ceapachán tar éis scor de bharr drochshláinte ón Státseirbhís

Má éiríonn lena n-iarratas tríd an gcomórtas, ba chóir go mbeadh an t-iarratasóir ar an eolas faoi na nithe seo a leanas:

- i) Má mheastar a bheith oiriúnach chun seirbhís rialta agus éifeachtach a sholáthar agus go sanntar iad do phost, scoirfidh a bpinsean drochshláinte státseirbhíse.
- ii) Má theipeann ar an iarratasóir ina dhiaidh sin promhadh a chríochnú nó má chinneann sé/sí a phost sannta a fhágáil, **ní féidir aisiompú ar stádas IHR na státseirbhíse, ná pinsean IHR na státseirbhíse a athchur**, a bhí ann roimh an iarratas agus níl teidlíocht ar an gcéanna ach an oiread.

- iii) Tiocfaidh an t-iarratasóir chun bheith ina gcomhalta de Scéim Pinsín na Seirbhíse Poiblí Aonair (SPSPS) nuair a cheapfar é má bhí sos sa tseirbhís phoiblí/shibhialta inphinsín de níos mó ná 26 seachtaine aige/aici.

Tabhair faoi deara le do thoil go bhfuil faisnéis níos mionsonraithe maidir le himpleachtaí pinsín dóibh siúd atá ag fáil pinsean drochshláinte státseirbhíse nó seirbhíse poiblí ar fáil [tríd an nasc seo](#) nó ar iarratas chuig Oifig an Stiúrthóra Ionchúiseamh Poiblí.

Fabhrú Pinsín

Beidh feidhm ag teorainn 40 bliain ar an tseirbhís iomlán is féidir a áireamh i leith pinsín i gcás ina raibh duine ina chomhalta de níos mó ná scéim pinsín seirbhíse poiblí amháin a bhí ann cheana (s.é. Scéim neamh-Aonair) de réir Acht 2012. Déantar foráil don teorainn 40 bliain seo san Acht um Pinsín na Seirbhíse Poiblí (Scéim Aonair agus Forálacha Eile), 2012. D'fhéadfadh impleachtaí a bheith aige seo d'aon cheapaí a fuair cearta pinsín i bhfostaíocht seirbhíse poiblí roimhe seo.

Ranníocaíocht Aoisliúntais Bhreise

Tá an ceapachán seo faoi réir na Ranníocaíochta Aoisliúntais Breise (ASC) de réir an Achta um Pá agus Pinsín na Seirbhíse Poiblí 2017. **Nóta;** Tá asbhaintí ASC sa bhreis ar aon ranníocaíochtaí pinsín (príomhscéim agus ranníocaíochtaí céilí agus leanaí) a theastaíonn faoi rialacha do scéime pinsín.

Le haghaidh tuilleadh eolas ar Scéim Pinsín na Seirbhíse Poiblí Aonair, féach ar an suíomh gréasáin seo a leanas: www.singlepensionscheme.gov.ie

Rúndacht, Discréid agus Caighdeán Iompraíochta: Rúndacht agus Macántacht Oifigiúil:

Beidh oifigeach faoi réir Fhorálacha an [Achta um Rúin Oifigiúla, 1963](#), arna leasú leis na [hAchtanna um Shaoráil Faisnéise 2014](#). Comhaontóidh an t-oifigeach gan aon fhaisnéis rúnda a nochtadh do thríú páirtithe neamhúdairithe le linn na tréimhse fostaíochta nó dá éis.

Cód Caighdeán agus Iompraíochta na Státseirbhíse:

Beidh an ceapaí faoi réir ag [Cód Caighdeán agus Iompraíochta na Státseirbhíse](#)

Na hAchtanna um Eitic in Oifigí Poiblí:

Beidh feidhm ag na [hAchtanna um Eitic](#) in Oifigí Poiblí, nuair is iomchuí, maidir leis an gceapachán seo.

Foilseacháin a cheadú roimh ré:

Comhaontóidh duine ceaptha gan ábhar a bhaineann lena dhualgais oifigiúla / lena dualgais oifigiúla a fhoilsiú gan cead a fháil roimh ré ón Stiúrthóir nó ó chomhalta údaraithe cú eile den fhoireann bhainistíochta shinsearach.

Gníomhaíocht Pholaitiúil:

Le linn théarma na fostaíochta, beidh an t-oifigeach faoi réir ag na rialacha lena rialaítear seirbhísigh phoiblí agus an pholaitíocht.

Léiríonn an méid thuas na príomhchoinníollacha seirbhíse agus níl sé beartaithe gurb é an liosta cuimsitheach de gach téarma agus coinníoll fostaíochta a leagfar amach sa chonradh promhaidh a bheidh le bheith aontaithe leis an iarrthóir rathúil.

AN PRÓISEAS IARRATAIS AGUS ROGHNÚCHÁIN

Conas iarratas a Dhéanamh

Cuir isteach d'iarratas ar ríomhphost le do thoil chuig Recruitment@dppireland.ie leis an méid seo a leanas:

1. CV cuimsitheach (gan dul thar 3 leathanach – le Sonraí Oideachais agus Stair Oibre a chur san áireamh in ord croineolaíoch), le do thoil ná cuir grianghraf pearsanta ar do CV.
2. Foirm iarratais Inniúlachta - ní mór d'iarrthóirí an fhoirm iarratais dá gcuirtear ar fáil san fhógra comórtais seo a úsáid, ní ghlacfar le hiarratais a fhaightear in aon fhormáid eile agus beidh siad ar neamhní. Ní mór gach cuid den fhoirm seo a chomhlánú go hiomlán, agus i gcomhréir leis na treoracha. Ní mór d'iarrthóirí fanacht laistigh de líon focal an fhoirm nó ní ghlacfar leis an bhfoirm

Ní mór d'iarrthóirí an mhéid seo a leanas a thabhairt faoi deara:

- A. Fágfaidh easnamh aon cheann nó cuid den doiciméad iarrtha atá leagtha amach thuas, an t-iarratas neamhiomlán. Ní ghlacfar le hiarratais neamhiomlána don chéad chéim eile den próiseas roghnúcháin.
- B. Is ar an iarratasóir atá an dualgas a chinntiú go bhfuil siad ar an eolas faoin spriocdháta chun a n-iarratas a chur isteach mar ní ghlacfar le hiarratais tar éis an ama/dáta deiridh a thugtar thíos.
- C. Seolfar gach comhfhreagras faoin gcomórtas seo chuig an ríomhphost a luann tú ar d'fhoirm iarratais. Tá iarrthóirí freagrach as súil ghearr a choinneáil ar an ríomhphost sin.

Dáta Deiridh

Ní mór do CV agus foirm iarratais a chur isteach le ríomhphost tráth nach déanaí ná **1pm Céadaoin, 24 Meitheamh 2026**. Mura bhfaigheann tú admháil go bhfuarthas d'iarratas laistigh de 2 lá oibre ón iarratas a dhéanamh, déan teagmháil le do thoil le: Shane Breen (01-8588446) Traci Peake (01-8588466) or Recruitment@dppireland.ie

Tá sé de dhualgas ar gach iarrthóir a chinntiú go bhfuil sé/sí ag fáil gach cumarsáid ón ODPP. Ní ghlacann an Oifig aon fhreagracht as cumarsáid nach ndéanann iarratasóir rochtain air/uirthi nó nach bhfaigheann sé/sí. Tá sé de fhreagracht ar an iarrthóir a chinntiú go bhfuil na sonraí teagmhála a shonraítear ar an CV agus ar an bhfoirm iarratais cruinn. Tá sé de fhreagracht ar an iarrthóir freisin a chinntiú go ndéantar gach fillteán ábhartha a sheiceáil le haghaidh ríomhphost a d'fhéadfadh a bheith gafa le seiceálacha turscair/ slándála.

An Próiseas Roghnúcháin

D'fhéadfadh na nithe seo a leanas a bheith san áireamh sa phróiseas roghnúcháin:

- i) CV agus foirm iarratais a chur isteach
- ii) Gearrliostú iarrthóirí bunaithe ar an eolas atá ina n-iarratas
- iii) Agallamh tosaigh/réamhagallamh
- iv) Cur i láthair nó cleachtaí eile

- v) Agallamh iomaíoch deiridh
- vi) Aon tástálacha nó cleachtaí eile a mheastar a bheith iomchuí

Féadfaidh comhaltacht na mbord roghnúcháin a bheith difriúil ag céimeanna éagsúla an Phróisis Roghnúcháin.

Ba cheart d'iarratasóirí machnamh go cúramach ar an bhfaisnéis a chuirtear ar fáil sa Leabhrán Faisnéise d'Iarrthóirí seo a bhaineann leis an ról. Is chun leasa gach iarratasóra é a chinntiú go dtugann a CV agus a bhfoirm iarratais cuntas mionsonraithe cruinn ar thaithí, inniúlachtaí, éachtaí agus cáilíochtaí.

Breithneofar an fhaisnéis a sholáthraítear sa CV agus san fhoirm iarratais seo le linn na gcéimeanna éagsúla den phróiseas roghnúcháin mar seo a leanas:

Incháilitheacht a Chinneadh

Seiceálfar iarratais chun a fháil amach ar chomhlíonadh na ceanglais incháilitheachta atá leagtha amach sa Leabhrán Faisnéise d'Iarrthóirí.

Gearrliostú

Ní dhéanfar ach iarratais atá lánchríochnaithe agus laistigh den spriocdháta a mheas le haghaidh gearrliostaithe. Déanfar CV agus foirm iarratais na n-iarrthóirí a mheasúnú i gcoinne na gceanglas/ na gcritéar agus na n-inniúlachtaí atá leagtha amach sa leabhrán seo. Ní féidir i gcónaí gach iarrthóir incháilithe a chur ar an ngearrliosta le haghaidh agallaimh mar gheall ar líon ard iarratas. Cuirfidh an Bord Gearrliostaithe líon an Bord Gearrliostaithe líon cuí iarrthóirí ar an ngearrliosta le haghaidh agallaimh. Roghnóidh na Boird Ghearrliostaithe na hiarrthóirí is fearr, dar leo, a léirigh na riachtanais/ critéir agus Inniúlachtaí Riachtanacha agus Inmhianaithe don ról atá leagtha amach sa Leabhrán seo. Ní thugtar le fios leis sin gur gá go bhfuil iarrthóirí mí-oiriúnach nó neamhchumasach an post a ghlacadh orthu féin, ach go bhfuil roinnt iarrthóirí ann a bhfuil an chuma orthu go bhfuil cáilíochtaí níos fearr acu agus/nó go bhfuil taithí níos ábhartha acu, bunaithe ar a n-iarratas. Dá bhrí sin is chun do leasa féin é chun cuntas beacht, mionsonraithe, cruinn a sholáthar ar do cháilíochtaí/taithí i d'iarratas.

Agallamh

Beidh Bord Agallaimh comhdhéanta de chomhaltaí ón ODPP agus comhalta/comhaltaí seachtracha. Féadfaidh an Bord Agallaimh iarrthóirí a cheistiú faoina gcuid eolais agus taithí a bhaineann le haon cheann de na hinniúlachtaí nó na riachtanais riachtanacha nó inmhianaithe agus faoi aon fhaisnéis a chuirtear ar fáil ina n-iarratas.

Déanfar agallaimh don chomórtas seo go pearsanta a mhairfidh thart ar 50 nóiméad. Ba cheart d'iarrthóirí iad féin a chur ar fáil ar an dáta/na dátaí a shonróidh ODPP.

Déanfar socruithe réasúnta ag gach céim den phróiseas roghnúcháin do dhaoine faoi mhíchumas. Seol ríomhphost chuig ár bhfoireann earcaíochta trí Recruitment@dppireland. agus beidh ball den fhoireann sásta cabhrú leat.

Ní mór d'iarrthóirí na spriocdhátaí go léir a chomhlíonadh chun doiciméid iarrtha a chur isteach (m.sh. measúnuithe scríofa nó cur i láthair) le linn na gcéimeanna gearrliostaithe nó agallaimh. Mura ndéantar

amhlaidh measfar a n-iarratas a bheith neamhiomlán agus gan dul ar aghaidh go dtí an chéad chéim eile den chomórtas.

Ní mór d'iarrthóirí scór íosta 50% a bhaint amach i ngach inniúlacht ar leith. Ina theannta sin, beidh feidhm ag pasmharc foriomlán – nach lú ná 60%. Déanfaidh an Bord Agallaimh an tairseach fhoriomlán seo a chinneadh agus a fhaomhadh i gcomhréir leis an scéim mharcála comhaontaithe agus cuirfear i bhfeidhm í go comhsheasmhach ar fud na n-iarrthóirí go léir.

Rúndacht

Faoi réir fhorálacha an Achta um Shaoráil Faisnéise, 1997 agus 2003 déileálfar le hiarratais faoi rún daingean.

Imréiteach Slándála

Má thagann tú faoi bhreithniú le haghaidh ceapacháin, beidh ort foirm ríomh-ghrinnfhiosrúcháin an Gharda Síochána a chomhlánú agus a sheoladh ar ais. Cuirfear an fhoirm seo ar aghaidh chuig an nGarda Síochána le haghaidh seiceálacha slándála ar gach seoladh in Éirinn agus i dTuaisceart Éireann ina raibh cónaí ort. Tabhair faoi deara le do thoil go bhféadfadh imréiteach slándála suas le 8 seachtaine a ghlacadh agus i gcásanna áirithe go bhféadfadh sé go dtógfadh sé níos faide. Sa chás nach n-éiríonn le d'iarratas ar an gcomórtas, scríosfar an fhoirm seo agus ní choinneoidh an Oifig aon taifead.

Má tá cónaí ort i dtíortha lasmuigh de Phoblacht na hÉireann ar feadh tréimhse 6 mhí nó níos mó, tá sé éigeantach duit Deimhniú Imréitigh Póilíní a sholáthar ó na tíortha sin ag rá nach bhfuil aon chiontuithé taifeadta i do choinne agus tú i do chónaí ann. Teastaíonn Deimhniú Imréitigh Póilíní ar leith do gach tír ina bhfuil cónaí ort. Ní mór an t-imréiteach a bheith dátaithe tar éis an dáta a d'fhág tú an tír. Is ortsa atá an fhreagracht imréiteach slándála ar bith a lorg do dhlínsí eile (má bhaineann) go tráthúil mar go dtógfadh sé roinnt ama. Ní féidir thú a cheapadh gan an fhaisnéis seo a bheith curtha ar fáil agus a bheith in ord.

Ba chóir go mbeadh a fhios ag iarrthóirí gur féidir aon fhaisnéis a fhaightear sa phróiseas Imréitigh Slándála a chur ar fáil don údarás fostaíochta.

Teistiméireachtaí agus Cáilíochtaí

Bheadh sé úsáideach dá dtosófa ag smaoineamh ar ainmneacha daoine a bheadh ina réiteoirí oiriúnacha, lena n-áirítear d'fhostóir reatha agus go bhféadfaimis dul i gcomhairle (2 ainm agus sonraí teagmhála). Ba chóir go mbeadh na moltóirí in ann faisnéis réasúnta le déanaí a sholáthar ar do fheidhmíocht agus ar d'iompraíocht i gcomhthéacs oibre. B'fhéidir gur mhaith leat moltóirí a roghnú a bheidh in ann faisnéis den sórt sin a sholáthar ó dhearcaí éagsúla nó i gcomhthéacsanna éagsúla oibre. Bí cinnte le do thoil nach ndéanfaimid teagmháil le moltóirí ach go díreach roimh choinne a thairiscint duit, má thagann tú faoi bhreithniú le haghaidh ceapacháin.

Féadfaimid cruthúnas ar cháilíochtaí a iarraidh mar atá liostaithe sna critéir riachtanacha don ról.

Eolas tábhachtach eile

Ní bheidh an ODPP freagrach as caiteachais ar bith a aisíoc a thabhóidh na hiarrthóirí.

Ní ghlacfar leis go gciallaíonn iontráil duine chuig comórtas, nó cuireadh chun freastal ar agallamh, go bhfuil an ODPP sásta go gcomhlíonann an duine sin ceanglais an chomórtais nó nach bhfuil sé/sí dícháilithe de réir an dlí ón bpost a shealbhú agus nach bhfuil ráthaíocht ann go ndéanfar breithniú breise ar d'iarratas. Mar

sin, tá sé tábhachtach duit a thabhairt faoi deara go bhfuil an dualgas ort a chinntiú go gcomhlíonann tú na ceanglais incháilitheachta don chomórtas roimh duit freastal ar agallamh.

Sula gceapfar iarrthóir mar fhostaí, déanfaidh an ODPP gach fiosrúchán den sórt sin a mheastar a bheith riachtanach chun oiriúnacht an iarrthóra sin a chinneadh. Go dtí go mbeidh gach céim den phróiseas earcaíochta lena n-áirítear imréiteach slándála curtha i gcrích go hiomlán ní féidir cinneadh deiridh a dhéanamh agus ní féidir a mheas nó a thabhairt go ndéanfar cinneadh dá leithéid.

Má dhiúltaíonn an té a mholtar don cheapachán, nó má ghlactar leis, é a scar nó má thagann folúntas breise chun cinn féadfaidh an Bord, dá rogha féin, duine eile a roghnú agus a mholadh lena cheapadh ar thorthaí an phróisis roghnúcháin seo.

Cearta Iarrthóirí - Nósanna Imeachta Athbhreithnithe maidir leis an bPróiseas Roghnúcháin

Breithneoidh an ODPP iarrataí ar athbhreithniú de réir fhorálacha an Chóid Cleachtais arna fhoilsiú ag an gCoimisiún um Cheapacháin Seirbhíse Poiblí (CPSA). Is é an CPSA an príomhrialtóir earcaíochta agus roghnúireachta i seirbhís phoiblí na hÉireann. Cinntíonn siad go mbíonn ceapacháin chuig an státseirbhís agus sa tseirbhís phoiblí cothrom, trédhearcach agus bunaithe ar fhiúntas. Tá Cód Cleachtais an CPSA ar fáil [anseo](#) agus leagann sé amach na príomhphrionsabail earcaíochta agus na príomhchaighdeáin do cheapacháin. Tá tuilleadh eolais faoin CPSA agus faoina ndéanann siad ar fáil [anseo](#).

I gcás nach mbíonn iarrthóir sásta le gníomh nó cinneadh a rinne an ODPP le linn chéim roghnúcháin an chomórtais, féadfaidh siad athbhreithniú neamhfhoirmiúil/foirmiúil a lorg nó gearán neamhfhoirmiúil/foirmiúil a dhéanamh maidir leis an gcinneadh sin faoi Alt 7 agus 8 den Chód Cleachtais. Féadfaidh iarrthóir athbhreithniú a iarraidh ar chinneadh a rinneadh am ar bith agus an próiseas roghnúcháin fós ar siúl. Tá achoimre ar Alt 7 agus 8 den Chód Cleachtais mar a leanas agus tá sonraí iomlána ar fáil sa nasc thuas: -

- Agus iarratas á chur isteach ar athbhreithniú neamhfhoirmiúil (faoi Alt 7) nó ag déanamh gearán neamhfhoirmiúil (faoi alt 8) ní mór don iarrthóir aghaidh a thabhairt ar a n-ímní maidir leis an bpróiseas i scríbhinn, ag cur síos soiléir ar na cúiseanna a gcreideann siad go raibh an próiseas roghnúcháin éagórach i a gcás. Ní mór é seo a sheoladh trí ríomhphost recruitment@dppireland.ie chuig an gCeann Earcaíochta, Oifig an Stiúrthóra Ionchúiseamh Poiblí, laistigh de 5 lá oibre tar éis fógra a thabhairt faoin gcinneadh roghnúcháin. Scrúdóidh an ODPP an t-athbhreithniú/gearán neamhfhoirmiúil a luaithe agus is féidir agus cuirfidh sé an toradh in iúl don iarrthóir laistigh de 5 lá oibre ón athbhreithniú/gearán a fháil. Is gnách go gcríochnóidh ball den Fhoireann AD-OD nach raibh baint dhíreach aige leis an bpróiseas cinnteoireachta an t-athbhreithniú neamhfhoirmiúil.
- Má tá iarrthóir fós míshásta tar éis an phróisis athbhreithnithe/gearáin neamhfhoirmiúil, féadfaidh sé dul ar aghaidh tríd an bpróiseas foirmiúil trí athbhreithniú foirmiúil (faoi alt 7) nó gearán foirmiúil (faoi alt 8). Féadfaidh iarrthóir athbhreithniú a iarraidh ar chinneadh a rinneadh am ar bith agus an próiseas roghnúcháin fós ar siúl. Ní mór gearán nó iarratas ar athbhreithniú foirmiúil a dhéanamh laistigh de 5 lá oibre ó fhógra an chinnidh tosaigh nó laistigh de 5 lá oibre ó thoradh na céime athbhreithnithe

neamhfhoirmiúla, má bhaintear leas as. Ní mór é seo a sheoladh trí ríomhphost recruitment@dppireland.ie chuig an gCeann Earcaíochta, Oifig an Stiúrthóra Ionchúiseamh Poiblí. Déanfaidh an ODPP scrúdú níos críochnúla ar an bhfaisnéis ábhartha ar fad agus rachaidh sí i gcomhairle leis na páirtithe uile sula ndéanfar cinneadh. Ní mór fógra a thabhairt don iarrthóir faoi thoradh an athbhreithnithe fhoirmiúil laistigh de 25 lá ón iarraidh a bheith faighte ag an sealbhóir oifige. Déanfaidh duine atá neamhspleách ar an bpróiseas roghnóireachta agus lasmuigh den Fhoireann AD-OD de ghnáth an t-athbhreithniú foirmiúil. I gcásanna áirithe, maidir le gearáin fhoirmiúla is duine aonair lasmuigh den ODPP a bheidh san athbhreithneoir.

Mura bhfuil iarrthóir sásta le cinneadh an ODPP maidir leis an ngearán foirmiúil ceadaítear achomharc chuig an CPSA faoi Alt 8 den Chód Cleachtas. Sa chás go gcreideann iarrthóir go sáraítear gné den phróiseas cód cleachtas an CPSA, féadfaidh an CPSA fiosrú a dhéanamh air faoi Alt 8 den chód. Ní mór achomharc a dhéanamh chuig an CPSA laistigh de 10 lá oibre ón tráth a fhaigheann an t-iarrthóir fógra faoi chinneadh an ODPP faoin ngearán foirmiúil. Tá tuilleadh sonraí maidir le hachomharc a dhéanamh ar fáil sa Chuid seo [8.3 den Chód Cleachtas](#).

Oibleagáidí na nIarrthóirí

Ba chóir d'iarrthóirí a thabhairt faoi deara go ndícháileofar iad má dhéantar canbhásáil agus go n-eisiafar iad ón bpróiseas dá bharr.

Ní ceadmhach d'iarrthóirí:

- faisnéis bhréagach a chur ar fáil go feasach nó go místuama
- aon duine a chanbhásáil trí mhealltaí a thabhairt nó gan mealltaí a thabhairt
- cur isteach ar an bpróiseas nó cur as dó ar bhealach ar bith.

Ní ceadmhach do thríú páirtí iarrthóir a phearsanú ag aon chéim den phróiseas. Beidh gach duine a sháraíonn na forálacha thuas nó a chuidíonn le duine eile na forálacha thuas a shárú ciontach i gcion. Dlitear féineáil/nó príosúnacht a chur ar dhuine a fhaightear ciontach i gcion.

Ina theannta sin, sa chás go raibh nó go bhfuil duine a fuarthas ciontach i gcion ina iarrthóir i bpróiseas earcaíochta:

- i gcás nach bhfuil siad ceaptha do phost, dícháileofar iad mar iarrthóir; agus
- i gcás ina mbeidh siad ceaptha ina dhiaidh sin chuig an bpróiseas earcaíochta atá i gceist, forghéillfidh siad an ceapachán sin.

Iarrthóireacht a mheas le bheith tarraingthe siar

Maidir le hiarrthóirí nach bhfreastalaíonn ar agallaimh nó ar thástálacha eile ag am agus ag ait arna n-iarraidh ag Oifig an Stiúrthóra Ionchúiseamh Poiblí, nó nach gcuireann a leithéid d'fhianaise ar fáil, nuair a iarrtar orthu sin a dhéanamh, agus a theastaíonn ón Oifig an Stiúrthóra Ionchúiseamh Poiblí maidir le hábhar ar bith atá ábhartha dá n-iarrthóireacht, ní bheidh aon éileamh eile ar bhreithniú acu.

Aiseolas

Cuirfear aiseolas ar fáil ar iarratas scríofa.

Na hAchtanna um Chosaint Sonraí

Nuair a fhaightear do CV agus d'fhoirm iarratais, cruthaímid taifead i d'ainm, ina bhfuil cuid mhaith den fhaisnéis phearsanta a chuir tú ar fáil. Ní úsáidtear an taifead pearsanta seo ach amháin chun d'iarrthóireacht a phróiseáil. Tá faisnéis dá leithéid faoi réir na gceart agus na n-oibleagáidí atá leagtha amach sna hAchtanna um Chosaint Sonraí. Chun iarratas a dhéanamh faoi na hAchtanna um Chosaint Sonraí, cuir d'iarratas i scríbhinn chuig: **An Comhordaitheoir um Chosaint Sonraí, Oifig an Stiúrthóra Ionchúiseamh Poiblí, Bóthar na hOtharlainne, Baile Átha Cliath 7**, ag cinntiú go ndéanann tú cur síos chomh mion agus is féidir ar na taifid a lorgaíonn tú le cur ar ár gcumas an taifead ábhartha a aithint.

Aguisín 1: CÁILITHEACHT CHUN DUL IN IOMAÍOCHT AGUS SRIANTA ÁIRITHE AR CHÁILITHEACHT

Riachtanais maidir le Saoránacht

Ní mór d'iarthóirí incháilithe a bheith:

- (a) Saoránach den Limistéar Eorpach Eacnamaíoch (LEE). Tá an LEE comhdhéanta de Bhallstáit an Aontais Eorpaigh, an Íoslainn, Lichtinstéin agus an Iorua; nó
- (b) Saoránach den Ríocht Aontaithe (RA); nó
- (c) Saoránach de chuid na hEilvéise de bhun an chomhaontaithe idir an tAontas agus an Eilvéis maidir le saorghluaiseacht daoine; nó
- (d) Saoránach neamh-LEE a bhfuil cead víosa i bhfoirm stampa 4² nó cead víosa i bhfoirm stampa 5 acu.

Chun a cháiliú ní mór d'iarthóirí a bheith incháilithe faoin dáta ar a dtairgtear post ar bith.

Comhaontú Comhchoiteann Íocaíochtaí Iomarcaíochta le Seirbhísigh Phoiblí

Tugadh isteach litir na Roinne Caiteachais Phoiblí agus Athchóirithe dar dáta 28 Meitheamh 2012 chuig Oifigigh Pearsanra, le héifeacht ón 1 Meitheamh 2012, Comhaontú Comhchoiteann ar thángthas air idir an Roinn Caiteachais Phoiblí agus Athchóirithe agus Coiste Seirbhísí Poiblí an ICTU maidir le híocaíochtaí iomarcaíochta ex-gratia le Seirbhísigh Phoiblí. Is coinníoll é den Chomhaontú Comhchoiteann nach mbeidh daoine a bhaineann leas as an gcomhaontú cáilithe le haghaidh fostaíochta an athuair sa tSeirbhís Phoiblí ag comhlacht na Seirbhíse Poiblí ar bith (de réir mar atá sainmhínithe ag na hAchtanna um Bearta Airgeadais Éigeandála ar Mhaithe le Leas an Phobail 2009 - 2011) le haghaidh thréimhse 2 bhliain ó fhoirceannadh na fostaíochta. Beidh ar dhaoine a bhain leas as an scéim seo agus a d'fhéadfadh a bheith rathúil sa chomórtas seo a gcáilitheacht a chruthú (tréimhse na neamh-incháilitheachta as feidhm).

An Scéim Luathscóir Dhreasaithe (ISER):

Is coinníoll é den Scéim Luathscóir Dhreasaithe (ISER) mar atá leagtha amach i gCiorclán 12/09 ón Roinn Airgeadais nach bhfuil daoine ar scor cáilithe, faoin Scéim sin, iarratas a chur isteach ar phost eile san fhostaíocht chéanna nó san earnáil chéanna. Dá bhrí sin, ní féidir le daoine ar scor mar sin iarratas a chur isteach ar an bpost seo.

Ciorclán na Roinne Sláinte agus Leanaí (7/2010):

Le Ciorclán 7/2010 ón Roinn Sláinte dar dáta an 1 Samhain 2010 tugadh Scéim Sprice um Luathscóir Deonach (VER) agus Scéimeanna um Iomarcaíocht Dheonach (VRS) isteach. Is coinníoll de chuid scéim VER é nach mbeidh daoine a bhaineann leas as an scéim incháilithe le haghaidh athfhostaíochta san earnáil sláinte poiblí nó sa tSeirbhís Phoiblí i gcoitinne nó i gcomhlacht a mhaoinítear go hiomlán nó go formhór ó airgead poiblí Tá feidhm ag an toirmeasc céanna ar athfhostaíocht faoin VRS, ach amháin go bhfuil an toirmeasc ar feadh tréimhse 7 mbliana. Ní bheidh daoine a bhain leas as scéim VER, cáilithe chun dul in iomaíocht sa chomórtas seo. Beidh ar dhaoine a bhain leas as an scéim VER agus a d'fhéadfadh a bheith rathúil sa chomórtas seo a gcáilitheacht a chruthú (tréimhse na neamh-incháilitheachta as feidhm).

² Tabhair faoi deara le do thoil go bhfuil víosa 50 TEU, atá in ionad Stamp 4EUFAM tar éis Brexit inghlactha mar choibhéis Stampa 4.

An Roinn Comhshaoil, Pobail & Rialtais Áitiúil (Imlitir LG(P) 06/2013)

Le Ciorclán LG(P) 06/2013 ón Roinn Comhshaoil, Pobail & Rialtais Áitiúil tugadh Scéim um Iomarcaíocht Dheonach isteach le haghaidh Údaráis Áitiúla. I gcomhréir le téarmaí an *Chomhaontaithe Chomhchoitinn: Íocaíochtaí Iomarcaíochta le Seirbhísigh Phoiblí* dár dáta an 28 Meitheamh 2012 mar atá sonraithe thuas, is coinníoll sainsiúil é den Scéim VER nach mbeidh daoine cáilithe le haghaidh fostaíochta an athuair i gcomhlacht na Seirbhíse Poiblí ar bith [de réir mar atá sainmhínithe ag na hAchtanna um Bearta Airgeadais Éigeandála ar Mhaithe le Leas an Phobail 2009 - 2011 agus ag an Acht um Pinsin na Seirbhíse Poiblí (Scéim Aonair agus Forálacha Eile) 2012] le haghaidh thréimhse 2 bhliain tar éis dháta a n-imeachta faoin Scéim sin. Tá na coinníollacha sin infheidhme freisin i gcás rannpháirtíochta/fostaíochta ar bhonn conradh seirbhíse (mar chonraitheoir nó mar fhostaí conraitheora).

Dearbhú:

Éileofar ar iarratasóirí chun a dhearbhú cé acu ar bhain nó nár bhain leas as scéim na Seirbhíse Poiblí de luathscor dreasaithe. Éileofar ar iarratasóirí freisin chun aon teidlíochtaí a dhearbhú maidir le sochar pinsin na Seirbhíse Poiblí (mar íocaíocht nó caomhnaithe) as fostaíocht eile ar bith sa tSeirbhís Phoiblí agus/nó nuair a fuair siad íocaíocht in ionad maidir le seirbhís i bhfostaíocht ar bith sa tSeirbhís Phoiblí.

Aguisín 2: INNIÚLACHTAÍ

Beidh an t-eolas, an taithí, na scileanna, na buanna nó na hinniúlachtaí ábhartha ag an iarrthóir rathúil, rud a léiríonn go soiléir a n-oiriúnacht chun aghaidh a thabhairt ar dhúshláin Bhainisteora Oibríochtaí TFC in Oifig an Stiúrthóra Ionchúiseamh Poiblí.

Ceannaireacht

- Cuireann siad go gníomhach le forbairt straitéisí agus bheartais na Roinne/na hEagraíochta
- Fócas agus díograis a thabhairt leo maidir le hardleibhéil fheidhmíochta a thógáil agus a chothabháil, agus aghaidh a thabhairt ar gach fadhb fheidhmíochta de réir mar a thagann siad chun cinn.
- An fhoireann a stiúradh agus rannchuidiú na foirne a uasmhéadú de réir a chéile.
- Éifeachtacht na torthaí i dtéarmaí atá níos leithne ná a réimse féin amháin a mheas.
- Sonraítear cuspóirí/ spriocanna go soiléir agus déantar tascanna a tharmligean go héifeachtach, agus an úinéireacht agus an fhreagracht astu a spreagadh;
- Cumas na ndaoine eile a fhorbairt, trí aiseolas, oiliúint agus deiseanna le haghaidh forbairt scileanna a chruthú.
- Deiseanna a aithint agus a ghlacadh chun cainéil soláthair sheirbhíse nuálacha a chur i bhfeidhm.

Scileanna Breithiúnais, Anailíse agus Cinnteoireachta

- Taighde cuimsitheach a dhéanamh, ag dul i gcomhairle nuair is cuí chun an fhaisnéis iomlán a fháil le dul i ngleic leis an cheist.
- Saincheisteanna casta go tapa a thuiscint, agus sonraí a thógáil isteach agus a mheas go cruinn (sonraí uimhriúla san áireamh)
- Snáitheanna éagsúla faisnéise a chur le chéile, agus idirchaidrimh agus naisc a aithint
- Úsáidtear breithiúnas chun cinntí soiléire, tráthúla agus dea-réasúnaithe a dhéanamh ar shaincheisteanna tábhachtacha
- Impleachtaí, cláir agus íogaireachtaí a mheas níos leithne laistigh de chinntí agus an tionchar ar réimse páirtithe leasmhara.
- Seasamh docht ar shaincheisteanna a ghlacadh ar na ceisteanna measta dóibh a bheith tábhachtach

Bainistíocht agus Baint Amach Torthaí

- Freagracht a ghlacadh as tascanna dúshlánacha agus iad a chur i gcrích in am agus ar ardchaighdeán
- Obair a phleanáil agus a chur in ord tosaíochta de réir tábhachta, amscálaí agus srianta eile acmhainne, agus iad a chur in ord tosaíochta nua i gcás imthosca athraitheacha
- Ag cinntiú go bhfuil seirbhís ardchaighdeán agus éifeachtúil do chustaiméirí ar an rud is lárnaí maidir le hobair an rannáin
- Breathnaítear go criticiúil ar shaincheisteanna le fáil amach cén chaoi inar féidir rudaí a dhéanamh ar bhealach níos fearr
- Oscailte do smaointe nua, tionscnaimh agus réitigh chruthaitheacha ar fhadhbanna
- Rialuithe agus bearta feidhmíochta a chur i bhfeidhm chun seirbhísí éifeachtúla agus ardluacha a sholáthar
- Tionscadail iomadúla a bhainistiú go héifeachtach

Scileanna Idirphearsanta agus Cumarsáide

- Faisnéis a chur in iúl ar bhealach muintealach, loighciúil agus áititheach, ó bhéal agus i scríbhinn
- Spreagtar comhráite oscailte agus fiúntacha maidir le cúrsaí oibre
- Cuireann obair foirne chun cinn laistigh den rannóg, ach oibríonn sé/sí go héifeachtach ar thionscadail trasna Ranna/Earnálacha freisin.
- Coinníonn stuaim agus smacht agus é/í ag obair chun tionchar a imirt ar dhaoine eile
- Cuirtear béim láidir ar Sheirbhís do Chustaiméirí ina réimse féin
- Líonra teagmhálaithe a fhorbairt agus a choinneáil chun réiteach fadhbanna agus comhroinnt na faisnéise a éascú
- Comhairle éifeachtach a dhéanamh le réimse páirtithe leasmhara, baill den phobal, Comhghleacaithe sa tSeirbhís Phoiblí agus an córas polaitiúil san áireamh.

Saineolas Oilteacht & Féinfhorbairt

- Tá tuiscint shoiléir acu ar ról, cuspóirí agus spriocanna dá gcuid féin agus na foirne agus ar an gcaoi a dtéann siad le hobair an aonaid agus na Roinne/ Eagraíochta.
- Táaineolas cuimsitheach acu ar shaincheistean de chuid na Roinne agus an Rialtais agus tá siad tuisceanach ar thosaíochtaí níos leithne polaitiúla agus eagraíochtúla
- Meastar guraineolaí iad ag páirtithe leasmhara ina réimse/ limistéar féin
- Dírithe ar an bhféinfhorbairt, agus ar aiseolas agus deiseanna a lorg i leith an fháis chun cabhrú le riachtanais shonracha an ról a chur i gcrích

Spreagadh agus Tiomantas

- Duine atá féinspreagtha agus a léiríonn mian chun feidhmiú go leanúnach ar ardleibhéal;
- Duine atá ionraic agus iontaofa go pearsanta agus is féidir brath orthu;
- Seirbhísí cothroma, neamhspleácha, gairmiúla a sheachadadh de réir na caighdeáin is airde;
- Trí cheannaireacht le dea-shampla, cothaítear na caighdeáin is airde eitice agus sláine.